



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

Capvt XXII.

urn:nbn:de:hbz:466:1-15617

ad Salomonem Regem Britonum scripta. Monet ergo Regem illum depositionem Episcoporum illius provinciae, qui se simoniacos esse confessi erant, & ob hoc ipsum ab aliis Episcopis jubente Salomone depositi fuerant, validam non esse, quod à duodecim Episcopis peracta non esset, ac præterea quod ei peragendæ defuissest Metropolitanus. Addit verò Leonem quartum & Benedictum tertium predecessores suos nihil aliud exegisse, ad hoc ut judicium adversus Episcopos Britonum rectum esset & legitimum, quam ut duodecim Episcopi adessent in synodo: *Quorum vestigia & ego quoque secutus, eadem censui, imo & censio, nec ullam posse Episcopos sui honoris suscipere jacturam quos non constat fuisse à duodecim Episcopis, præsente primamque sententiam Metropolitanum Episcopo obtinente, cum examinarentur, auditos.* Verum ea quæ sequuntur, magis urgent. Regi enim imperat ut Metropolitanum Turonensem conveniat, ejusque judicium expertat, ac propterea ad synodum mittat Episcopos Britonum, qui sunt Ecclesiæ Turonensis suffraganei. Quo casu, nimirum postquam accusati fuerint examinati coram Metropolitanano & integro numero collegarum, id est, duodecim Episcoporum celebrato conventu, & ipsi legitime deponi poterunt, & alij Episcopi in eorum loco ordinari. Quia tamen intelligebat agrè consensurum Salomonem ut Episcopi accusati Cæsarodunum Turonum mitterentur, quod is eum Metropolitanum Britannæ præesse nolle, Romanum iter aperit, ubi causam ait definitum iri postquam iij auditii fuerint quorum interest. Hanc autem Nicolai epistolam in Decreto suo transcripsit Gratianus 3. q. 6. cap. *Hac quippe.*

VII. Germanos quoque ipsos incessit cupidus retinendi vetustam consuetudinem deponendi Episcopos in suis synodis, ita tamen ut à duodecim Episcopis judicarentur; ut constat ex canone decimo Concilij Triburiensis, quod anno DCCCXCV. habitum est: *Statutum est in hac sancta & universali synodo ut nullus Episcopus deponatur nisi à duodecim Episcopis.*

C A P V T X X I I .

Synopsis.

I. Episcopi Gallicani contendebant supersedendum non esse depositione, tametsi appellatio interposita esset ante judicium.

II. Hec Gallicanorum regula probatur ex controversia quæ inter eos & Hadrianum secundum exarbitur in causa Hincmarii Episcopi Laudunensis, qui ante

judicium appellavit Summum Pontificem, petiuntque supersederi judicio. Notatur auctor Tractatus De delicto communi.

III. Id unum contendebat Hadrianus, judicandam esse appellationem parte utraque audita. Nihil verò aliud prohibet quam ne quis pendente appellatione ordinetur in loco dejicit.

IV. Synodus Duziacensis ad Hadrianum referens se tuctus auctoritate canonum Sardicensium.

V. Si causam retrahendi jubeat Pontifex, existimabant Galli eam retrahendi debere in provincia. cuius regulæ adharet Hadrianus.

VI. Magni momenti est hec Hadriani adhesio. Quippe canonum Sardicensium & Africanorum auctoritatem inviolatam preservat; ac præterea duas illas Gallorum regulas, supra propositas, certas esse evincit. Referuntur ipsa Hadriani verba ex epistola ad Carolum Calvum.

VII. Sergius Papa causam Ebonis Archiepiscopi Remensis retrahendi jussit in provincia coram Legatis sedis apostolica. Probatur ex epistola synodi Tri cassina ad Nicolam primum.

VIII. Viraque Gallorum regula probatur etiam auctoritate Hincmari in epistola ad eundem Nicolaum.

I. ECCLESIA Gallicana robuste libertatem suam illa ætate retinuit quoad caput appellationum. Primum enim contendebant Episcopi Gallicani appellationem interpositam ante judicium ab Episcopis provinciae latum non esse ejus momenti ut interim supersedendum foret instructione litis aut pronuntiatione sententie, & per consequentiam, privatione communioonis episcopalnis, tametsi alterius Episcopi ordinatione supercederetur.

II. Hanc eorum fuisse regulam discimus ex controversia quæ inter Hadrianum secundum & Episcopos Gallicanos exarbitur in causa Hincmarii Episcopi Laudunensis. Depositus est fuit in Concilio Duziacensi decem provinciarum anno DCCCXXI. tametsi ante judicium appellasset Summum Pontificem, petiuntque ut interim supersederetur judicio. Ea porro Episcopis illis mens non erat ut appellationis prosecutiōnem prohibere voluerint, quemadmodum existimat qui Tractatum scripsit De delicto communi; sed depositionem judicare volebant pendente appellatione. Sanè acta aiunt: *Salvo in omnibus judicio sedis apostolice.* Hadrianus verò eis exprobrat hanc præcipitationem, contenditque supersederi debuisse instructione litis post appellationem. Depositionem præterea confirmaturum se negat, donec Hincmarum Laudunensem & accusatorem ejus audiverit in plena synodo; in presentia nostra, inquit, & totius sedis Romane synodali collegio. Hæc sunt ejus verba in epistola XXVII. quæ data est ad Episcopos synodi Duziacensis: *Tamen, scis ipsius Concilij actionibus legitur, quoniam salvo in omni-*

& Imperij Lib. VII. Cap. XXII. 359

*bus judicio sedis apostolice illum ab Episcopis
fuisse judicatum afferitis, nos, non aliqua con-
tra quolibet commoti invidia, nec alterius cul-
pam in alterum retrouere cupientes, volumus,
& auctoritate apostolica, nullius partis favorem
aut obsequium sed rei geste veritatem magis in-
venire cupientes, jubemus ipsum Hincmarum
Laudunensem Episcopum vestra fretum potentia
ad limina sanctorum Apostolorum nostrorumque ve-
nire praesentiam. Quo sane veniente, veniat pa-
riter accusator idoneus, qui nulla possit auctori-
tate legiima respui. Et tunc in praesentia nostra
& totius sedis Romane synodali collegio causa
illius prudenti ventilata examine, ac diligenter
inquisita, secundum Deum & sacerorum canonum
constitutiones spiritu Dei prolatas sine protela-
tione aliqua finietur.*

III. Revera tamen latæ sententiae con-
niver Hadrianus, id unum contendens, ju-
dicandam esse appellationem utraque parte
audita; nihil vero aliud prohibet quam ne
quis ordinetur in loco dejecti, donec judica-
ta fuerit appellatio. *Quia cum clamaret in sy-
nodo, inquit Hadrianus, se ad sedem apostoli-
cam velle incunctanter venire, atque in praesen-
tia ejus pro objectis sibi ab adversario criminib-
us respondere, damnationis in eum non erat pro-
ferenda sententia. Infrà: Vnde quoque causa
illius, sicut præstulimus, fuerit iterum refricata
atque finita, alter Episcopus in ipsa Laudunensi
Ecclæ nullatenus ordinetur.*

IV. Huic Hadriani epistolæ respondens
synodus Duziacensis, canonum Sardicensium
auctoritate se tuerit; ut pater ex eorum
epistola, in qua aiunt abstineri potuisse ab
hac excusatione, quam mittunt, si is qui Ha-
driano erat ab epistolis, diligenter inspexis-
set acta synodi in loco quem indicant. *Nunc
nobis non esset necessarium excusare, inquiunt,
si is quem nobis jussisti rescribere, ad locum in
gestorum synodalium serie legisset, quod ibi, an-
tequam damnationis in Hincmarum proferretur
sententia, scriptum est ita: * Tunc lecte sunt in
synodo ab Adalgaro Diacono sententiae canonum,
ita eo dicente: Sardenses canones decreverunt
ut si aliquis Episcopus judicatus &c.*

V. Cum itaque Rex Carolus Calvus &
Episcopi Gallicani summopere urgerent ob-
servationem canonum Sardicensium, tem-
peramento eo utitur Hadrianus quo utro-
rumque juribus consulitur. Vnde quoque
elicienda est secunda Gallorum regula, ni-
mirum in casu appellationis, si Summus Pontifex
velit causam retractari, judicandam ef-
fe illam in provincia. Cui regulæ adhæret
Hadrianus in epistola ad Carolum; in qua
mentem ei suam aperit, postquam Episco-
porum Gallicanorum ultimas literas expen-
derat. Ait ergo æquum esse ut quandoqui-

dem Laudunensis Episcopus appellavit apo-
stolicam sedem, spatiū habeat accedendi
ad eam, ubi ipsi ostendentur epistolæ & acta
adversus eum missa. Quod si postquam acta
cum eo communicata fuerint, pertinaciter
contenderit se injustè esse damnatum, tum
Papam iussurum ut causa retractetur in pro-
vincia, vel à judicibus electis, vel à synodo
coram Legatis Summi Pontificis; ita tamen
ut interim Laudunensis restituī non possit
episcopali ordini.

V I. Hic locus magni momenti est, tum
ex eo quod canonum Sardicensium & Afri-
canorum auctoritatē inviolatam præstat,
tum etiam quod duas Gallorum regulas su-
prā propositas, certas esse evincit. Hæc sunt
verba Hadriani: *Sed quia non satis idonea vi-
dentur & matura nostra, & huic sancte sedi con-
digna, id est, gesta synodalia habita contra
Hincmarum, donec ad hanc sanctissimam &
apostolicam quam appellavit sedem spatiū ha-
beat veniendi, ideo veniat; & ostensis sibi lite-
ris quas nobis misisti, & libello continentis seriem
synodi, libellulo etiam cleri & plebis Laudunensis
proclamationem continent, si adhuc justam pa-
tareris habere proclamationem, afferens se in-
justè damnatum, tum electis judicibus, non ta-
men eo prius in gradu restituto, aut ex latere
nostrō directis Legatis cum auctoritate nostra, re-
fricentur quæ gesta sunt, & negotia in qua orta
sunt provincia canonice terminentur. Quod si
venire detrectaverit, clareat quod idem ipse
dederit locum damnationis in semeipsum; nec
sacer ordo differendo moram patiatur, vel detri-
mentum.*

VII. Ad majorem autem probationem
hujus secundæ regulæ Episcoporum Galli-
norū, causam videlicet in provincia retrac-
tandam fuisse si Summus Pontifex applica-
tionem admitteret, adferam exemplum Eb-
bonis Archiepiscopi Remensis. Fuerat is de-
positus anno DCCCXXXV. ut supra retulī.
Vndecim vero post annis Imperator Lotharius,
odio adversus Carolum Regem fratrem suum, à Sergio Pontifice rescriptum impe-
travit, quo causa Ebbonis retractari jube-
tur. ac tametsi magna esset ejus gratia, quod
Roma ejus imperio pareret, nihil tamen
aliud obtinuit quam ut negotium in provin-
cia retractaretur coram Legatis quos Sergius
apud urbem Treverensem missurus erat ad
Imperatorem. Sanè Ebbo dein abstinuit à
prosecutione hujus negotij. Sed hanc dele-
gationem factam esse docet epistola synodi
Tricassinae ad Nicolaum primum scripta an-
no DCCCLXVI. qua eum synodus certio-
rem fecit eorum quæ acta fuerant in causa
Ebbonis. *Lotharius Imperator, inquit synodus,
epistolas à Sergio Papa exegit pro refricando*

Epist. 19. Hadr.
ad Carolum Re-
gent. Tomo 3.
Concil. Gall.

judicio de Eboronis abjectione, quasi discordia esset in Remensi Ecclesia pro ejus ordinatione. Vnde idem Papa Denno Carolo, sed & Gualbaldo Archiepiscopo, & eidem Hincmario literas misit, ut cum post diem sancte Resurrectionis Missos suis in servitium Imperatoris mitteret, Treviris cum Episcopis ad hanc discordiam spondam convenire stenderent.

VIII. Ad probandam autem utramque regulam utar etiam testimonio Hincmari ad Nicolaum Papam scribentis, Hinc juxta Saricenscum Concilium, inquit, summus prime & sancte sedis Romane Pontifex pro examinis renovatione ad se reclamans & refugientis cum sua clamatione dejecti provincialis Episcopi non statim singularitate privilegii & auctoritatis sue restituit, sed remittens eum ad provinciam ubi causa patrata fuerat, ---- aut finitimis Episcopis dignatur scribere, aut è latere suo mittit qui habentes ejus auctoritatem presentes cum Episcopis judicent, & diligenter causam inquisitam definiant.

Ap. Flodoard.
lib. 3. Hil. Rem.
c. 13.

CAPVT XXIII.

Synopsis.

I. Contendebant præterea Episcopi Gallicani appellarvi non posse à judicibus electis, euam si q̄ electi essent post appellationem. Ei Gallorum desiderio contradixit Nicolaus primus in causa Rothadi Episcopi Suezionensis. Narratur historia depositionis Rothadi.

II. Dejectionis ejus certior factus Nicolaus, excanduit; præseruimus quid intelligeret ordinatum fuisse in loco ejus Episcopum, spreta appellatione. Itaque ad Hincmarum scripsit, non occultis doloris indicis, adeo ut suspensionem à divinis intenaverit.

III. Synodi acta confirmatur se negat Nicolai donec Rothadus fuisse auditio. Tum irascitur ob depositionem Rothadi peractam post appellationem. Scribendum autem fuisse ad Summum Pontificem, tamēsi appellatum non fuisse, ut cognosci posset an is causam retractari vellit. quod contrarium est canon Sardicensi.

IV. Canones violatos ait ex eo capite quid Episcopii in loco Rothadi fuisse ordinatus post appellationem. Episcopi vero excipiunt eum post appellationem expeditum iudicium Episcoporum. Quid deinde ait Nicolaus.

V. Temperata fuit excandescencia Nicolai. Postulat ut aut Episcopi Rothadum restituant, aut aliquos Romanos mutant quis coram iudicium renovari possit apud sedem apostolicam.

VI. Hinc occasionem sumpit Hincmarus scribendi celebrem illam epistolam ad Nicolaum; in qua evulgantur quinque arcana Episcoporum Gallicanorum quoad depositionem Episcoporum. Explicantur regula illae.

VII. Pallium interdum tribuebatur Episcopis, tamen Metropolitani non essent. Hi vero contendebant sibi quoque competere privilegium exemptionis à iurisdictione synodorum. Verum exemplo illa non

derogabat auctoritati synodorum. Pallium autem concedi nemini poterat, ob exemptionem illam, absque consensu Regis & Episcoporum Gallicanorum.

VIII. Gregory igitur quarti & Leonis quarti constitutiones in usum recepta non erant in Gallia, cum id quod dū ante ab eis constitutum fuerat in gratiam omnium Episcoporum, ab Adriano tribuitur Adaldo Episcopo Nannetensi tanquam privilegium, ratione Pallij.

IX. Magni momenti sunt verba Hincmari ex quibus quinque ille Gallorum regula colliguntur.

X. Galli pervicaciter contendunt appellari non posse à judicibus electis, contraria tendente Nicolaus Pap. Mirabile temperamentum Hincmari.

XI. Ruituram prorsus ecclesiasticae disciplinam scribit ad Nicolaum Hincmarus si sententia adversus Rothadum à judicibus electis lata infringatur.

I. P RÆTER duas regulas Episcoporum Gallicanorum à nobis propositas capite superiori, terra quoque prorsus animosè propugnabatur à nostris, non posse nimirum Episcopum damnatum provocare à judicibus electis, tamēsi ij electi essent post appellationem interpositam ad sedem apostolicam. Sed fatendum est Summos Pontifices se ad hanc regulam non accommodasse, licet alias devorassent. Contrā, Nicolaus primus ei aperte contradixit in causa Rothadi Episcopi Suezionensis. Varia ei crimina objecta fuerant in synodo habita in Convincino villa propter Sylvanectum anno octingentesimo sexagesimo tertio, in primis vero depositum ab eo Presbyterum injuste, dissipata bona Ecclesiae, oppigneratum calicem aureum, spretas Metropolitani monitiones. Cū autem in eo res esset ut sententia jamjam in eum ferenda esset, provocavit ad sedem apostolicam, prorogarique tantisper iudicium obtinuit donec ipse Romanum accessisset. Interim schedulam porrexit nonnullis Episcopis synodi, eorum opem implorans. quam schedulam sic interpretatus est Hincmarus, quasi Rothadus ad judices electos provocaret. Itaque Rex synodum transtulit ab suburbio Suezionense, ubi accusator quoque sex Episcopos elegit, quos judices esse cupiebat. Episcopi vero ad quos Rothadus scriperat, tum etiam sex qui ab accusatore electi erant, eum deponunt, ac statim Episcopum alium in loco ejus ordinant. Ipse vero in exilium pulsus, in monasterio projectus est.

II. Dejectionis ejus certior factus Papa Nicolaus, excanduit; præsertim cū intellegéret ordinatum fuisse in loco ejus Episcopum, spreta appellatione. Statim itaque ad Hincmarum scribit ut famæ & sedi sua Rothadum restituat intra spatium triginta dierum postquam hanc epistolam repperit; vel si sententiam existinet esse justam, aut ipse